

Portal professiunal per giuvenils da nov er per rumantsch

■ (cc) L'uffizi per la furmaziun professiunala ha creà la pagina d'internet rumantscha www.cussegliaziun.ch per gidar ils giuvenils a tschertgar ina plazza d'emprendissadi, ina scola media u ina soluziun transitorica. Sin questa pagina d'internet chattan ins infurmaziuns davart tut ils emprendissadis pussaivels. Il portal d'internet descriva las incumbensas las pli impurtantas, las premisas necessarias, la durada ed il cuntegn da la scolaziun. Ultra da quai vegnan inditgadas er las furmaziuns supplementaras pussaivlas suenter l'examen d'emprendissadi.

Agid gia en connex cun il fufagnadi

La pagina d'internet porscha gia agid per tschertgar in fufagnadi adattà. Cusseglis impurtants gidan ils giuvenils ad agir tenor ina metoda.

Sch'i na duess betg funcziunar cun in fufagnadi mussa la pagina d'internet differentas vias che pon vegnir prendidas sco alternativa.

Simpla survista

Infurmaziuns supplementaras davart temas impurtants chattan ins cun in clic

sin ils fepls d'infurmaziun utils. Tractads vegnan temas sco annunzia per in fufagnadi u per ina plazza d'emprendissadi, scolas medias, maturitad professiunala u 10. onn da scola.

Cun agid da la pagina d'internet www.cussegliaziun.ch chattan giuvenils, persunas d'instrucziun e geniturs fitg bunas infurmaziuns davart il mund professiunal – e tut quai per rumantsch.

L'uffizi per la furmaziun professiunala gialischa in viadi digital captivant ed ina buna tscherna da professiun.

Tut per tiu start en la vita professiunala.



L'uffizi per la furmaziun professiunala ha creà la pagina d'internet rumantscha per gidar ils giuvenils a tschertgar ina plazza d'emprendissadi, ina scola media u ina soluziun transitorica.